

დამტკიცებულია :

სსიპ კოლეჯ „ოპიზარის“ დირექტორის

ბრძანებით # 15 06/03/2020 წელი

## სსიპ კოლეჯ „ოპიზარის“

### პერსონალური მონაცემების დაცვის უზრუნველყოფის წესი

#### მუხლი 1. მიზნი

1. ამ წესის მიზანია სსიპ კოლეჯ „ოპიზარის“ პერსონალური მონაცემების დამუშავებისას უზრუნველყოფილი იქნას ადამიანის უფლებათა და თავისუფლებათა, მათ შორის, პირადი ცხოვრების ხელშეუხებლობის დაცვა.

#### მუხლი 2. პერსონალურ მონაცემთა დამუშავების პრინციპები საფუძვლები და წესი

2.1 სსიპ კოლეჯ „ოპიზარში“ დასაქმებულის მიერ პერსონალური მონაცემების დამუშავებისას დაცული უნდა იყოს შემდეგი პრინციპები:

- მონაცემები უნდა დამუშავდეს სამართლიანად და კანონიერად ,მონაცემთა სუბიექტის ღირსების შეუღახავად.
- მონაცემები შეიძლება დამუშავდეს მხოლოდ კონკრეტული ,მკაფიოდ განსაზღვრული ,კანონიერი მიზნებისთვის .დაუშვებელია მონაცემთა შემდგომი დამუშავება სხვა თავდაპირველ მიზანთან შეუთავსებელი მიზნით.
- მონაცემები უნდა იყოს ნამდვილი და ზუსტი ,საჭიროების შემთხვევაში უნდა განახლდეს.
- კანონიერი საფუძვლის გარეშე და დამუშავების მიზნის შეუსაბამო მონაცემები უნდა დაიბლოკოს.

2.2. სსიპ კოლეჯ „ოპიზარის“ დასაქმებულის /პროფესიული სტუდენტის/მსმენელის პერსონალურ მონაცემთა დამუშავება ხორციელდება იმ შემთხვევაში თუ :

ა) არსებობს მონაცემთა სუბიექტის თანხმობა - პირის ნებაყოფლობითი, ინფორმირებული და მკაფიოდ გამოხატული თანხმობა მისი პერსონალური მონაცემების დამუშავებაზე(დასაქმებულის ხელშეკრულებაზე ხელმოწერით აცხადებს თანხმობას) ;

ბ) მონაცემთა დამუშავება გათვალისწინებულია კანონით;

გ) მონაცემთა დამუშავება საჭიროა მონაცემთა კოლექტის/მონაცემთა სუბიექტის მიერ მისთვის კანონმდებლობით დაკისრებული მოვალეობების შესასრულებლად ;

დ) მონაცემთა დამუშავება საჭიროა მონაცემთა სუბიექტის სასიცოცხლო ინტერესების დასაცავად - მაგალითად თუ საგანგებო სიტუაციის დროს ადამიანის სიცოცხლეს საფრთხე ემუქრება და მის გადასარჩენად აუცილებელია ადგილმდებარეობის დადგენა;

ე) მონაცემთა დამუშავება აუცილებელია კოლექტის ან მესამე პირის კანონიერი ინტერესების დასაცავად, გარდა იმ შემთხვევისა, როდესაც არსებობს მონაცემთა სუბიექტის უფლებებისა და თავისუფლებების დაცვის ალმატებული ინტერესი;

ვ) კანონის თანახმად, მონაცემები საჯაროდ ხელმისაწვდომია ან მონაცემთა სუბიექტმა ისინი ხელმისაწვდომი გახადა - მაგალითად, სოციალურ ქსელში თქვენს მიერ საჯაროდ განთავსებული ფოტო ან საკონტაქტო ინფორმაცია;

ზ) მონაცემთა დამუშავება აუცილებელია კანონის შესაბამისად მნიშვნელოვანი საჯარო ინტერესის დასაცავად - მაგალითად დანაშაულის პრევენცია, საკუთრების ან არასრულწლოვნების მავნე ზეგავლენისაგან დაცვის მიზნით;

თ) მონაცემთა დამუშავება აუცილებელია მონაცემთა სუბიექტის განცხადების განსახილველად ან მისთვის მომსახურების გასაწევად.

2.3. კოლექტში განსაკუთრებული კატეგორიის მონაცემთა დამუშავება დასაშვებია მხოლოდ მონაცემთა სუბიექტის წერილობითი თანხმობით ან იმ შემთხვევებში, როცა:

ა) ნასამართლობასთან და ჯანმრთელობის მდგომარეობასთან დაკავშირებული მონაცემების დამუშავება აუცილებელია შრომითი ვალდებულებების და ურთიერთობის ხასიათიდან გამომდინარე, მათ შორის, დასაქმების თაობაზე გადაწყვეტილების მისაღებად;

ბ) მონაცემთა დამუშავება აუცილებელია მონაცემთა სუბიექტის ან მესამე პირის სასიცოცხლო ინტერესების დასაცავად და მონაცემთა სუბიექტს ფიზიკურად ან სამართლებრივად უნარი არა აქვს, მონაცემთა დამუშავებაზე თანხმობა განაცხადოს;

გ) მონაცემები მუშავდება საზოგადოებრივი ჯანმრთელობის დაცვის, ჯანმრთელობის დაცვის ან დანესებულების (მუშაკის) მიერ ფიზიკური პირის ჯანმრთელობის დაცვის მიზნით, აგრეთვე თუ ეს აუცილებელია ჯანმრთელობის დაცვის სისტემის მართვისათვის ან ფუნქციონირებისათვის;

დ) მონაცემთა სუბიექტმა საჯარო გახადა მის შესახებ მონაცემები მათი გამოყენების აშკარა აკრძალვის გარეშე;

2.4. იმ შემთხვევაში როდესაც მონაცემთა შეგროვება ხორციელდება უშუალოდ მონაცემთა სუბიექტისგან კოლექტის თანამშრომელი რომელიც ახორციელებს მონაცემთა შეგროვებას ვალდებულია მონაცემთა სუბიექტს მიაწოდოს შემდეგი ინფორმაცია:

ა) მონაცემთა დამუშავებლისა და უფლებამოსილი პირის ( ასეთის არსებობის შემთხვევაში) ვინაობა და რეგისტრირებული მისამართი;

ბ) მონაცემთა დამუშავების მიზანი;

გ) სავალდებულოა თუ ნებაყოფლობითი მონაცემთა მიწოდება; თუ სავალდებულოა – მასზე უარის თქმის სამართლებრივი შედეგები;

დ) მონაცემთა სუბიექტის უფლება, მიიღოს ინფორმაცია მის შესახებ დამუშავებულ მონაცემთა თაობაზე, მოითხოვოს მათი გასწორება, განახლება, დამატება, დაბლოკვა, წაშლა და განადგურება.

2.5 თუ მონაცემთა შეგროვება არ ხორციელდება უშუალოდ მონაცემთა სუბიექტისაგან, მონაცემთა დამუშავებელი კოლეჯის თანამშრომელი ვალდებულია მოთხოვნის შემთხვევაში მონაცემთა სუბიექტს მიაწოდოს ამ მუხლის პირველ პუნქტში აღნიშნული ინფორმაცია.

2.6 კოლეჯის თანამშრომელი რომელიც ახორციელებს პერსონალური ინფორმაციის შეგროვებას მონაცემთა სუბიექტისგან ვალდებულია, განუმარტოს რომ მონაცემთა სუბიექტს ნებისმიერ დროს, განმარტების გარეშე უფლება აქვს ნებისმიერ დროს უარი განაცხადოს მის მიერ მოცემულ თანხმობაზე მოითხოვოს მონაცემთა დამუშავების შეწყვეტა ან/და დამუშავებულ მონაცემთა განადგურება.

### **მუხლი 3. დამუშავებულ პერსონალურ მონაცემთა უსაფრთხოების უზრუნველყოფა**

3.1 კოლეჯი როგორც მონაცემთა დამუშავებელი უზრუნველყოფს მონაცემთა დაცვას შემთხვევითი ან უკანონო განადგურებისაგან, შეცვლისაგან, გამჟღავნებისაგან, მოპოვებისაგან, ნებისმიერი სხვა ფორმით უკანონო გამოყენებისა და შემთხვევითი ან უკანონო დაკარგვისაგან.

3.2 კოლეჯის ნებისმიერი თანამშრომელი, რომელიც მონაწილეობს მონაცემთა დამუშავებაში, ვალდებულია არ გასცდეს მისთვის მინიჭებული უფლებამოსილების ფარგლებს. ამასთანავე, მას ეკისრება ვალდებულება, დაიცვას მონაცემთა საიდუმლოება, მათ შორის, მისი სამსახურებრივი უფლებამოსილების შეწყვეტის შემდეგ. მონაცემთა სუბიექტის თანხმობის გარეშე არ გადასცეს მესამე პირებს პერსონალური ინფორმაცია.

### **მუხლი 4. კოლეჯის მიერ მონაცემთა სუბიექტის ინფორმირება მონაცემთა დამუშავების თაობაზე.**

4.1 კოლეჯი როგორც მონაცემთა დამუშავებელი უზრუნველყოფს მონაცემთა სუბიექტის მოთხოვნის შემთხვევაში შემდეგი ინფორმაციის მიწოდებას:

ა) მის შესახებ რომელი მონაცემები მუშავდება;

ბ) მონაცემთა დამუშავების მიზანი;

გ) მონაცემთა დამუშავების სამართლებრივი საფუძველი;

დ) რა გზით შეგროვდა მონაცემები;

ე) ვისზე გაიცა მის შესახებ მონაცემები, მონაცემთა გაცემის საფუძველი და მიზანი.

4.2. კოლექტი მონაცემთა სუბიექტისთვის ინფორმაციის მიწოდებას უზრუნველყოფს მოთხოვნისთანავე, დაუყოვნებლივ, ან მოთხოვნიდან არაუგვიანეს 10 დღისა, ინფორმაციის მიწოდების ფორმას ირჩევს მონაცემთა სუბიექტი.

### **მუხლი 5. პერსონალური მონაცემების დამუშავება ვიდეო მეთვალყურეობის კამერით**

5.1. კოლექტში ვიდეოთვალთვლის განხორციელება მიმდინარეობს დანაშაულის თავიდან აცილების აგრეთვე პირის უსაფრთხოების და საკუთრების საზოგადოებრივი წესრიგისა და არასრულწლოვნების მავნე ზეგავლენისგან დაცვის მიზნებისთვის.

5.2. დაუშვებელია ვიდეოთვალთვალის განხორციელება გამოსაცვლელ ოთახებსა და ჰივიენისთვის განკუთვნილ ადგილებში.

5.3 კოლექტი როგორც მონაცემთა დამუშავებელი უზრუნველყოფს ვიდეოთვალთვალის სისტემის და ვიდეოჩანაწერების დაცულობას არამართზომიერი გამოყენებისგან.

5.4 კოლექტის თანამშრომლები რომლებსაც აქვთ წვდმა ვიდეოსათვალთვალ სისტემასთან და ვიდეოჩანაწერებთან ეკისრება ვალდებულება, დაიცვას მონაცემთა საიდუმლოება, მათ შორის, მისი სამსახურებრივი უფლებამოსილების შეწყვეტის შემდეგ. მონაცემთა სუბიექტის თანხმობის გარეშე არ გადასცეს მესამე პირებს პერსონალური ინფორმაცია.

5.5. კოლექტის ყველა თანამშრომელი /პროფესიული სტუდენტი /მსმენელი ინფორმირებულია ვიდეოთვალთვალის განხორციელების და მათი უფლებების შესახებ.

### **მუხლი 6. დასკვნითი დებულებანი**

6.1. ამ წესს ინდივიდუალურ -ადმინსტრაციულ სამართლებრივი აქტით(ბრძანებით) ამტკიცებს კოლექტის დირექტორი.

6.2. ამ წესში ცვლილებების და/ან დამატებების შეტანა ხდება კოლექტის დირექტორის ინდივიდუალურ ადმინსტრაციულ სამართლებრივი აქტით(ბრძანებით).

